

Ҳикмат вақти



17:00 / 06.09.2022 2672

Абу Зарр Ғифорий розияллоҳу анҳудан ривоят қилинади:

Расулуллоҳ соллаллоҳу алайҳи васаллам дедилар: «Қора ит – шайтондир».

Имом Муслим ривояти.

Ушбу ҳадиснинг тўла шакли қуйидагича бўлган.

Абу Зарр розияллоҳу анҳудан ривоят қилинади:

«Набий соллаллоҳу алайҳи васаллам: «Қачонки бирингиз намозга турса, унинг ҳузурда эгарнинг суянчиғига ўхшаш нарса бўлса, сутра қилиб олади. Қачонки унинг олдида эгарнинг суянчиғига ўхшаш нарса бўлмаса, унинг намозини эшак, аёл киши ва қора ит кесади», дедилар.

Мен: «Эй Абу Зарр қора итнинг қизил итдан, сариқ итдан нима фарқи бор?» дедим.

У: «Эй биродаримнинг ўғли, мен ҳам сен мендан сўрагандек, Расулуллоҳ соллаллоҳу алайҳи васалламдан сўрадим. Бас, у зот: «Қора ит шайтондир», дедилар».

Имом Муслим ривояти.

Ибн Жавзий раҳимаҳуллоҳ деди: «Айни дамда турган ҳолатинга назар сол. Агар (кечираётган ҳаётинг, бажараётган амалларинг) ўлим ва қабрга яроқли бўлса, (яъни, уларга рўбаро келганда ҳолингга вой бўлиб қолмайдиган турмуш тарзи бўлса), у ҳолда шу яшашда давом эт. Энди бу иккисига яроқли бўлмаса, унда тавба қилгин ва ислоҳ бўладиган (савобли) ишларга қайтгин.

«Бўстонул воизийн ва риёзус самиъийн» асаридан.

Фарзандингни Қуръон таълимида машаққат ва таҳфиз халқаларида давомий бўлишида уни бироз инжиқлик ҳамда қайсарликлар қилишига рўпара келасиз. Лекин кимки нима истаётганини билар экан, бераётган нарсасини фидо қилиш осон кечади. Қачон қиёмат куни бошингга (болангни қори қилиб етиштирганинг учун) виқор тожини кияр экансан, унинг таълимида чеккан барча заҳматларингни унутиб юборасан.

Нойиф Яҳё.

Жунайд Бағдодийдан бало ҳақида сўрашди: «У Аллоҳдан келган жазоми ёки гуноҳларга каффоротми ёки бўлмаса, даражанинг кўтарилишими?».

У зот жавоб бериб: «Агар сенга келган балога ғазаб қилсанг, у жазодир.

Агар сабр қилсанг, гуноҳларга каффоротдир.

Агар унга рози бўлсанг, бу сен учун мартабангни кўтарилишидир.

Баъзи солиҳ салафлар дейишди: «Агар Иблис ва унинг аскарлари жамланиб келишса, уч нарсага хурсанд бўлганчалик ҳеч нарсага хурсанд бўлишмас эди:

- Мўмин бошқа бир мўминни қатл қилишидан;
- Бирон кимсанинг куфрда, иймонсиз вафот этишидан;

– Киши қалбида камбағал бўлиб қолиш, фақирликдан қўрқув бўлишидан».

Ибн Қоййимнинг «Ториқул ҳижратайн» китобидан.

Шайтон васавасини энг кучли равишда даф этадиган сабаблардан: Аллоҳнинг Китобига боғланиш, Унинг зикрини кўпайтириш, тонгги, кечки ҳамда уйқу олдидан ўқиладиган зикрларга риоя қилишдир. Ажабланарли эмас, шайтонлар ундан тўсиш учун, ундан узоқ қилиш учун Қуръон аҳлига ҳужум қилади. Қуръондан узоқлашганни тарк қилади. Ким унга қарши курашса, омон қолади. Кимки унга таслим бўлса, ҳалок бўлади.

Фойдаланилган манба: Arabic.uz

Хуршид Маъруф тайёрлади